

宗教卷志二十一

自信教自由之說起而宗教之入於我國者已紛然指不勝屈來者日多信者日衆而國家曾不約束之強制之蓋隨個人之心性而已信佛教者惟佛教之是崇信道教者惟道教之是奉虔誠致敬頂禮銘心不過求個人之適於生活而已矣於是述宗教志第二十一

佛教

教主釋迦牟尼故又名釋教其教以博愛普渡爲宗旨其入中國也自漢明帝時始其入遼東也自魏始遼金以下各代皆佞佛見諸史志者遼金各京府有都僧錄明清有僧錄司掌管諸僧是緇流之跡及於遼東者有年矣惟西豐於清光緒三十二年始有心源和尚由開原龍潭寺下院來豐募

西豐縣志

卷二十一 宗教

一

西豐國興印刷局校印

化建西方寺正殿三楹塑如來像前殿三楹塑關帝像西院建昭忠祠亦爲該寺僧人看守今邑內有佛寺十一所僧徒十五人

道教

教主爲老子姓李名耳字伯陽諡曰聃故亦稱老聃周守藏室之吏也著道德經五千言道家奉之爲老祖其教以清靜無爲主旨斷塵茹素爲行修蓄髮峨冠寬袍一如漢唐之制元初有長春真人邱處機得先天大道元太祖聘之爲建長春宮使居之尊如國師時征西域真人以天道好生不嗜殺人爲諫元太祖是之弟子十八人佈教朔方遂另開一宗曰龍門派其道大顯滿清開國郭真人望氣東來預示龍飛之讖世祖入關飭建太清宮於瀋陽仿元長春宮故事遼東道教從此大興女子入道曰女冠俗呼道姑清代禮部設道錄司主管廟觀各事西豐開闢未久原無道教至民國八年有道人田明海由懷德無量宮來豐在縣城南河沿建聖清宮收弟子二人今邑內有道觀十一所道士二十四人

天主堂

天主教即耶穌舊教自明成祖時始入中國大學士徐光啓奉之清聖祖因定曆象聘用西洋人准其傳教於通商口岸設立教堂嗣有內地傳教之約清光緒二十八年有法國人裴舫濟來豐佈教建築教堂設立教會信者頗衆民國十一年添修房舍附設國民學校招生二級學生一百餘人教友三千餘人並在平崗鎮分設教堂

基督教

基督教即耶穌新教一名耶穌教基督教原分三派曰天主曰希臘曰耶穌近年又有基督復臨安息會同以耶穌基督爲教祖當十六世紀日耳曼人馬丁路得反對羅馬教皇專制乃倡宗教革命別創新教曰耶穌教其教旨沿舊教而脫其桎梏教士無階級牧師得蓄妻子一時信者靡然從風清同治時始入中國光緒初有英人李雅各始來遼賃屋傳教漸及各地光緒三十年經羅牧師約翰由奉天耶穌教會來豐設立會所後又由信徒徐國盛經理會務現有職員五人信徒七十六人

西豐縣志

卷二十一

宗教

二

西豐國興印刷局校印

回教

回教一日天方教一日清真教默罕麥德爲教祖自唐宋以後妙入中國東部其教以殺敵致果爲宗旨惟拜上帝不主事多神及拜偶備其意以上帝爲造物主神之可尊者莫若上帝其人性鷲好鬥頗知保種婚喪禮俗皆與漢人不同喪葬不用棺槨以屠牛及小販營生者最多經典有託賴經可蘭經加塞教典教師曰阿訇會長曰一嗎木清光緒三十一年經西豐回民教會長馬子衡請直省滄州人張榮軒爲阿訇並於縣城西北建修清真寺

理善會教

理善會本名在理教起於清初其教祖楊萊如山東即墨縣人明萬曆進士明亡後從勞山程楊旺學道後傳道於燕齊間遂立在理教在理者言儒釋道三教之理奉佛教之法修道教之行習儒教之禮也不設像不焚香戒烟酒不禁茹葷多用咒歌偈語北方頗信奉之或曰在理教供菩薩起於明清之際明之逸民組織此教別有用意其大旨謹戒烟酒勸人立志行善有少許鈔本教書又有

五字真言不准道破揭開之者謂之背教規謂之自行除教五字之說傳謂清李鴻章督直時軍中多有信此教者詳詢之則一心保大明也李以此事發覺株連必衆恐釀成他變遂令改之乃改爲觀世音菩薩五字甚無謂也本邑在理教現有公所三處一名慶善堂一名致善堂一名正善堂教中首領普通稱大爺又有催黨承辦等名稱遇有齋日先期公佈在公所舉辦屆期設宴高會燒香吃茶不置酒首領當衆演說謂之開釋有志入教者皆於此日加入各費按人均攤教義極簡單無宗旨之可言惟理教專信菩薩即南海大士謂之聖宗佛其教嚴禁烟酒青年入此可免阿片嗎啡之害宜乎信者之日多也

混元門

混元門是道教之支派供奉元始天尊主教之人曰法師教旨以去惡向善爲目的凡信教者誦金剛經偶染微疾向所供之佛前祈禱許以某月日孝佛屆期延法師拈香跪拜師誦經信徒伴之病即可愈斯亦默寓勸懲之意信者頗衆因無一定聚會之所教民確數不詳近數年來漸衰微矣

西豐縣志

卷二十一 宗教

三

西豐國興印刷局校印

大聖門

大聖門供奉洪鈞老祖長齋勸善救苦放生傳教者皆以口授教無常書學無專注邑民雖有信者確數不詳近年人民知識進步該教已漸滅矣

按信教雖准自由然必須宗旨純正在國家認可之範圍以內本邑昔年雜教甚多如所謂一角二分五者入教時先納費一角二分五厘又有註冊及上五台山等名目信之者必破產而後已若混元門傳教時不論男女必於暗室不准他人窺見孝佛時聚數十百人於一堂男女混雜交頭接耳真淫盜之化也查傳教者無非利人昏愚藉以斂財久則擾亂社會之秩序安寧近來加以取締此輩已絕迹矣